

Cov Kauj Ruam Tom Ntej:

Tom qab koj txhaj tshuaj tiv thaiv COVID-19 tag

✓ **Npaj mus txhaj koj koob tshuaj tiv thaiv kab mob thib ob.**

Ua ntej koj yuav tawm ntawm qhov chaw txhaj tshuaj tiv thaiv kab mob, xyuas kom koj paub lub sij hawm thiab qhov chaw uas koj yuav rov mus txhaj koj koob thib ob thiab muab sau cia rau hauv ntawv kom koj nco qab! Feem ntau ntawm cov tshuaj tiv thaiv COVID-19 yuav tsum yog txhaj ob koob thiaj li yuav ua hauj lwm. Qhov no yog kom koj lub cev tsim muaj tshuaj tiv thaiv nruab nrog cev txaus los tawm tsam kom tau zoo tshaj plaws.

✓ **Paub txog cov kev mob muaj taus los ntawm qhov tshuaj.**

Tej zaum koj yuav pom muaj tej kev mob. Nws tsis ua li cas thiab nws puav leej yog ib txoj kev qhia tias koob tshuaj pib ua hauj lwm xwb.

- Hnov mob los sis o ntawm koj sab caj npab uas nkag koob tshuaj tiv thaiv kab mob
- Kub ib ce ua npaws
- Ua daus no
- Nkees
- Mob taub hau

Muab ib txoj phuam huv ntub dej npuab rau qhov chaw nkaug koob yuav pab kom xis nyob dua. Haus dej kom ntau, so kom txaus thiab hnav khaub ncaws nyias yog tias koj pib ua npaws kub ib ce.

Txawm yog koj hnov muaj mob tom qab thawj koob tshuaj txhaj los koj yeej yuav tsum tau mus txhaj koob thib ob.

✓ **Paub tias thaum twg yuav tau hu rau tus kws kho mob.**

Ua npaws kub ib ce los sis hnov mob yeej tsis ua li cas. Tiam sis, hu rau tus kws kho mob yog tias:

- Liab heev los sis mob heev zus tuaj tom qab 24 teev.
- Yog koj cov kev mob ua rau koj txhaj los sis lawv mob mus ntev dua peb plaub hnub lawm.

Yog koj muaj mob kub ceev, hu rau 911.

✓ **Rau npe nrog v-safeSM**

Nruab qhov cuab yeej rau hauv lub xov tooj ntse kom txheeb txog tus kheej kev noj qab haus huv tau, ceeb toom qhia cov kev muaj mob thiab qhia kom nco mus txhaj koob tshuaj thib ob! Ua raws cov lus qhia ntawm daim ntawv v-safeSM uas koj tus kws kho mob tau muab rau koj.

✓ **Nrhiav ib qho chaw zoo khaws cia koj daim ntawv teev tshuaj txhaj tiv thaiv COVID-19.**

Koj daim ntawv teev tshuaj txhaj tiv thaiv kab mob yuav qhia thaum twg thiab qhov chaw uas koj tau mus txhaj tshuaj tiv thaiv kab mob thiab lwm cov ncauj lus tseem ceeb txuam rau qhov tshuaj tiv thaiv COVID-19. Khaws cia koj daim ntawv rau ib qho chaw zoo! Koj puav leej mus xyuas tau Wisconsin Immunization Registry (Chaw Zwim Tshuaj Txhaj Tiv Thaiv Nruab Nrog Cev) kom pom daim hauv tshuab hluav taws xob.

Ua kom tau cov lus sau hauv xov tooj tuaj qhia kom nco mus txhaj koj koob tshuaj thib ob ntawm **VaxTextSM**



Sau **ENROLL** xa mus rau
1-833-VaxText (829-8398)

Tiv thaiv koj tus kheej thiab lwm cov neeg mus ntxiv

Cov tshuaj tiv thaiv kab mob tsuas yog ib lub tswv yim uas peb muaj los cheem txoj kev sib kis tus kab mob COVID-19 xwb. Kev cheem txoj kev sib kis kab mob yog yuav tsum siv txhua cov tswv yim uas muaj. Kev koom tes, kev txhaj tshuaj tiv thaiv kab mob thiab pej xeem kev coj cov yam ntxwv kom noj qab haus huv yuav tiv thaiv tau zoo tshaj plaws ntawm tus kab mob COVID-19.



**Nyob Twj
Ywm Hauv
Tsev**



**Looj Ntaub
Npog Ntsej
Muag**



**Nyob Sib Nrug 6
Xib Taws**



**Ntxuas Koj Ob
Txhais Tes**

Txawm yog koj txhaj tshuaj tiv thaiv COVID-19 tag los, coj cov yam ntxwv kom noj qab haus huv txuas mus ntxwv xws li:

- Nyob twj ywm rau hauv tsev kom ntau li ntau tau.
- Nyob sib nrug ze kawg nkaus li 6 xib taws ntawm lwm cov neeg.
- Looj daim ntaub npog ntsej muag thaum twg nyob puag ncig lwm cov neeg.
- Tu ntxuav tag nrho cov chaw uas “chww heev txog” txhua hnuv.
- Npog koj lub qhov ncauj thiab qhov ntswg thaum koj hnoos los sis txham.
- Xyeej txoj kev nyob nrog cov tib neeg muaj mob.
- Ntxuav tes nrog tshuaj xub npum thiab dej mus 20 lij los sis siv cov tshuaj pleev tes uas muaj tsawg kawg li 60% cawv txuam.
- Xyeej txoj kev chww koj ob lub qhov muag, qhov ntswg, thiab qhov ncauj yog tias koj tsis tau ntxuav koj ob txhais tes.

Thaum twg koj txhaj tshuaj tiv thaiv kab mob txhij lawm, koj coj raws tau kev cais ntsuas ib ntus tshwj xeeb thiab cov kev coj yuav txawv ntawm cov uas tsis tau txhaj tshuaj tiv thaiv kab mob txhij. Yeej muaj qee cov xwm txheej uas cov tib neeg txhaj tshuaj tiv thaiv kab mob txhij tsis tag yuav tau looj cov ntaub npog ntsej muag los sis nyob sib nrug deb. Mus xyuas www.dhs.wisconsin.gov/covid-19/vaccine-after.htm kom paub meej ntxiv.

Nco ntsoov

- Cov tshuaj tiv thaiv kab mob Pfizer thiab Moderna COVID-19, koj yuav tau mus txhaj 2 koob tshuaj tiv thaiv kab mob thiaj li yuav ua hauj lwm zoo thiab thiaj tiv thaiv tau zoo tshaj plaws.
- Kos qhia rau hauv ntawv kom koj nco tias thaum twg koj yuav tau rov qab mus txhaj koj koob tshuaj thib ob.
- Tej zaum koj yuav pom muaj tej kev mob uas sawv daws muaj. Qhov no yeej yog ib feem ntawm txoj kev txhaj tshuaj tiv thaiv kab mob.

